

Oké Take Away

Nos Special
Cuminda
crioyo

Pedido:
747-0505

S

Prijs
1.25

LO

BRIYANDO FUERTE • TRECIENDO CLARIDAD
Dialuna 12 2023

Di Pueblo

GANA

1000

FLORIN CU

S **LO** *Di Pueblo*

WEGANAN ESCOLAR 2023 TABATA UN EXITO ROTUNDO

Masha pabien na e scol- y alumnonan
pa participa y engrandece Weganan
Escolar



**Minister Endy Croes:
A FIRMA UN ACUERDO DI COLABORACION
ENTRE MINISTERIO DI ENSEÑANSA, COLEGIO
EPI Y ROC MONDRIAAN DI HULANDA**



**A anuncia proyecto
grandi pa Caya Betico;
“Singles 1 Residences”,
6 piso cu 30 condominio**



**All to Car a
introduci nan auto
electrico BAW**



**Motociclista
herida den
accidente
di trafico na
Sero Patrishi**



**Dos hoben
ladron di
auto deteni
na Madiki**



**Velocidad
halto posibel
causa:
Hyundai Getz
a bolter na
Gasparito**



GANAR 1000 FLORIN CU SOLO DI PUEBLO PA "BACK 2 SCHOOL"

Premianan ta wordo anuncia dia 15 di Augustus 2023.

Tira e coupon aki den buzón na oficina di Solo di Pueblo na Sta Cruz 110, solamente entre 2or di atardi cu 4or di atardi.

Number y faam:

Adres: Celular: E-mail:

1000 florin - 1000 florin - 1000 florin



All to Car a introduci nan auto electrico BAW



Diabierna atardi All to Car situa na Boulevard a introduci su liña di mas nobo di auto electrico. Sr. Kenneth Wever gerente di e compania a desmantela e cortina y cede e lus oficialmente di BAW. BAW ta un marca di auto hopi popular y nan a trece

Aruba varios modelo, manera mini cars y den colornan pastel, pues algo masha bunita.

Solo di Pueblo ta felicita Sr Wever como tambe director di compania pa nan adquisicion nobo pa e mercado di Aruba.

Prome Minister Evelyn Wever-Croes: GOBIERNO TA DUNA RECONOCIMIENTO NA BRAINER LAMPE, GERALD MORETTA Y DISJONDRICK JACOBS PA LOGRA NAN META DURANTE RONDE VAN ARUBA



Prome Minister Evelyn Wever-Croes hunto cu Minister Endy Croes a ricibi Brainer Lampe, Gerald Moretta y Disjondrick Jacobs pa asina entrega nan un reconocimiento pa nan hazaña inmenso durante Ronde van Aruba, cu ta e evento di careda mas grandi di Aruba. E atletanan Brainer Lampe y Gerald Moretta a haci Disjondrick su soño bira un realidad pushando su

race cart durante full e trayectoria.

Prome Minister a indica cu pa Gabinete Wever-Croes, inclusion ta un prioridad, y cu ta bunita pa wak con e atletanan aki a duna tur di nan mes pa asina haci e soño di Disjondrick, cu ta un hoben cu ta sufrí di Cerebral Palsy, y no por move riba su mes, un realidad. Actonan asina ta merece wordo reconoci, y pa e motibo aki, Prome



Minister y Minister di Deporte a invita nan hunto cu Disjondrick, riba fecha natal di Disjondrick pa duna nan e reconocimiento bon mereci. Tambe a tuma e oportunidad di canta happy birthday pa Disjondrick, den compania di su atletanan.

E atletanan Brainer y Gerald, a expresa di ta hopi emocionada cu e reconocimiento aki. Pa nan training hunto cu Disjondrick ta algo normal, pero pa mira cu mas hende y minsiternan ta reconoce e acto aki, ta duna nan un sentimento di gratificacion y estimulo pa sigui pusha y duna tur di nan mes pa continua cu e deporte importante aki. Pa nan esaki tabata un experiencia nobo y unico y e sentimento di yega den ekipo te final tabata uno hopi emocional. E idea di esaki a bin di Disjondrick mes pa muestra tur hende cu limitacion fisico no mester ta un impedimento pa logra metanan asina, y manera Disjondrick mes ta bisa "nada ta imposibel".

Prome Minister ta sumamente orguyoso di e Brainer y Gerald pa cumpli cu Disjondrick su deseo pa muestra comunidad di

Aruba cu no ta importa ki limitacion un persona por tin, si bo tin un ekipo bo tras, tur cos ta posibel.



Orario di servicio diabierna 16 juni 2023

En conexion cu un reunion obligatorio pa su empleadonan, Banco Central di Aruba (BCA) ta informa cu e lo ta sera pa publico dia **16 juni** entre **8:30 di mainta pa 12:30 di merdia**. BCA lo ta habri bek na e orario usual parti atardi entre 1:00 di merdia pa 5:00 di atardi.

Aruba, 12 juni 2023
Banco Central di Aruba



ULTIMO DIA DI PAGO

Spaar tempo, paga online

E cobranza di coriente di
april 2023 lo vence:

Diaranson 14 di juni 2023

N.V. ELMAR ta recorda tur cliente pa tene
nan cuenta di coriente na ordo.

Pa mas informacion yama 523-7100 of
email customerservice@elmar.aw



Minister Endy Croes: A FIRMA UN ACUERDO DI COLABORACION ENTRE MINISTERIO DI ENSEÑANSA, COLEGIO EPI Y ROC MONDRIAAN DI HULANDA



Diahuebs mainta, Minister Endy Croes a reuni cu Sra. Flora van Eck di ROC Mondriaan, Sra. Ankie Danker y Sra. Claudia Witfield di Colegio EPI y Sr. Ivan Croes di Dienst Publieke Scholen (DPS), unda cu a firma un acuerdo di colaboracion (samenwerkingsovereenkomst) entre ROC Mondriaan di Hulanda y Colegio EPI. ROC Mondriaan ta un MBO beroepsopleiding cu ta consisti di 240 estudio na 26 diferente scol na Hulanda.

E acuerdo cu a firma diahuebs mainta ta cu Unidad di Hospitalidad y Turismo y Unidad di Economia, cual ta vigente di 1 di augustus 2023 te cu 1 di te augustus 2026.

Colegio EPI ta consisti di cuater (4) unidad y ta ofrece 14 programa educativo, entre otro, estudio di beroepsopleidende leerweg (BOL), beroeps begeleidende leerweg (BBL) y associate degree nivel 5.

Un acuerdo unda ta bay intercambia cu otro y siña di otro cu e meta pa mehora e calidad di enseñansa di Aruba den su totalidad.



MINISTER ENDY CROES TA FELICITA E GANADONAN DI WE ARUBA DEN DISCIPLINA DI FUTBOL MUCHA MUHE Y MUCHA HOMBER DI SCOL PREPARATORIO



Diabierna ultimo, durante e clausura di Weganan Escolar 2023 a tuma luga e ultimo competencia den e disciplina di Futbol di Scol Preparatorio di Mucha Muhe y Mucha Homber na Joe Laveist Sport Park na San Nicolas.

Den e categoria di Futbol di Scol Preparatorio Mucha Muhe, Colegio Conrado Coronel a keda na di cuater luga, Scol Preparatorio Kudawecha a keda na di tres luga, Cacique Aterima Kleuterschool a sali di dos luga y Arco Iris Kleuterschool a titula campeon. Pa loke ta trata categoria di Futbol di Scol Preparatorio di Mucha Homber, Arco Iris Kleuterschool a keda na di cuater luga, Agnes Kleuterschool a keda na

di tres luga, Nos Paraiso Kleuterschool a sali di dos luga y Mon Plaisir Kleuterschool a titula campeon. Minister di Enseñansa y Deporte Endy Croes ta felicita e ekiponan ganado cu a duna tur di nan parti riba veld. Ademas di esaki, ta aplaudi tur scol cu a participa den e competencia di Weganan Escolar 2023.

Finalmente, Minister Endy Croes ta gradici Pueblo di Aruba cu a apoya nos mucha- y hobennan den diferente disciplina durante e dos simannan di Weganan Escolar 2023. Danki na tur cu a contribui pa haci Weganan Escolar 2023 un exito!



AVONDHAVO-VWO ARUBA
Durf de uitdaging aan!!!

Schooljaar 2023-2024

Ben je gemotiveerd om je havo-diploma of VWO certificaten te behalen?

Schrijf je dan nu in op de AVONDHAVO-VWO ARUBA.

Vanaf 12 juni 2023 kun je je inschrijven voor het schooljaar 2023-2024 voor de HAVO en VWO. Je kunt je tot uiterlijk 11 juli 2023 aanmelden.

Schrijf je in en maak kans om het schoolgeld terug te krijgen. Uit alle inschrijvingen wordt per leerjaar 1 gelukkige winnaar gekozen.

Informatie over de inschrijfprocedure en het aanmeldingsformulier zijn te vinden op onze website: www.avondhavovwoaruba.com

Wil je de lessen online volgen? Kies voor locatie San Nicolas.



A anuncia proyecto grandi pa Caya Betico; “Singles 1 Residences”, 6 piso cu 30 condominio



Diabierna atardi, e conocido comerciante

constructor Sr Antonio Caralps y su esposa Taryn a anuncia hunto cu nan partnernan un proyecto grandi pa Caya Betico Croes.

Otro banda di Ex Bon Bini Bazaar nan a devela e plan pa construi un toren di 6 piso, cu ta consisti di 30 condominio.

E proyecto ta basa riba un concepto moderno y alaves clean.

Esaki ta pa atrea personanan cu ta desea di biba den comfort, den downtown, mei mei di tur cos, hopi accesibel.

Ademas e proyecto lo bay stimula y duna un impulso nobo deb Caya Betico. E lo ta e promer proyecto di tal magnitud cu a keda anuncia, pero tin mucho mas proyecto den plan y algun den ehecucion.

E invitadonan a keda realmente impreciona ora cu e design a keda devela. Bao di aplauso y entusiasmo hopi a bisa cu esaki ta marca e momentum pa e era nobo pa Downtown.

Nos director Edmond Croes tambe tabata presente y a admira e clima di inversion cu por a wordo scucha mei mei di varios desaroyadornan importante di e isla.



E concepto aki a spin off e mentenan di otro nan pa nan tambe aporta na Downtown.

Pabien Antonio y Taryn y tur esnan cu ta tras di e proyecto grandi aki.

Motociclista herida den accidente di trafico na Sero Patrishi



Sero Patrishi - Diasabra mainta algo prome cu 9:30 a sosode un accidente entre un scooter y un Suzuki Van. Den e accidente e motociclista a resulta herida.

Na yegada di polis, nan ta topa e Suzuki Van para unda e accidente a sosode y e scooter benta ariba caminda, mientras e motociclista tawata ariba suela pazuid di caminda.

Na e sitio nos por a compronde cu e scooter pa un of otro motibo no a mantene distancia y ta dal tras di Van.

Ora polis a yega e la papia cu polis y tawata wardando Ambulance yega.

Por a mira cu e la ricibi basta rasca y corta, tambe e lo tin fractura.

Na yegada di Paramediconan nan a prepare door di a pone ariba e brancard y ta sali direccion Hospitaal cu ne.



Joran van der Sloot a bisa hues na Merca cu e ta inocente



otro cu e lo a presiona e mama pa placa, Tambe Hues a pasa riba un serie di otro viannan hudicial, cu tabata encera tambe

pa asigna un abogado pa Joran. CNN a bisa cu nan lo a trece un traductor, pero Van der Sloot a bisa den corte cu e no tin

mester di dje. Segun Van der Sloot su Ingles ta perfecto y no ta necesario. Perú a extradita Van der Sloot temporalmente pa

Merca pa e caso aki. Na Peru e tin cu sinta e resto di su castigo di 28 aña di prison pa e assassination di Stephany Flores.

BIRMINGHAM, ALABAMA, MERCA - Joran van der Sloot presenta dilanti hues na e estado Mericano di Alabama. Durante y debido tratamiento de su caso, y la bisa cu nunca e la comete e crimennan cu e ta wordo acusa di nan. Esaki segun medionnan Mericano. Segun CNN, y prome presentacion de Joran den Corte no dura ni cinco minutos.

Van der Sloot ta na Merca pa motibo cu e ta wordo sospeche di a press e mama di Natalee Holloway. E la priminti Beth Holloway si e pag'e, e lo bis'e unda e cuerpa di Natalee ta.

Joran ta e sospechoso principal den e case di desaparicion di Natalee Holloway na Aruba, na mei 2005, pasobra e tabata e last person cu a wordo mira hunto cu Natalee.

E hues a pidi Van der Sloot pa duna un reacion formal riba e acusacionnan entre

DIASABRA 29 JULY 2023

FUNDRAISING BINGO

SV ESTRELLA 75 ANIVERSARIO

CARD PRICE FL.10,= | HOUR 7:00 PM

1 100,=	4 150,=	7 250,=
2 100,=	5 200,=	8 300,=
3 150,=	6 250,=	9 500,=

2000,=

#NARANHADA
SV ESTRELLA FUNDA 1948

**LIVE : CANAL 22/ RADIO TOP FM 95.1/
FACEBOOK PAGE & YOUTUBE CHANNEL CARIBBEAN BINGO**

Prome Minister Evelyn Wever-Croes:

Durende e di dos Conferencia di Prensa Hubenil di 'Periodista pa un Dia' 2023, 6 HOBEN A HAYA OPORTUNIDAD PA HACI NAN PREGUNTANAN NA PROME MINISTER



'Periodista pa un Dia' 2023 a continua diabierna atardi 9 di juni. Un proyecto importante pa stimula nos muchanan pa un posibel profesion den periodismo. E hobennan Jade Isa Pietersz, Raybert Liu, Natalia Sarai Alvarado Lizardo, Ariella Werleman, Lindomar jr. Kock y Henry Lacle a drenta e sala di Conferencia di Prensa di Gobierno di Aruba hunto cu nan mayornan yen di entusiasmo di ta 'Periodista pa un Dia' y conoce y haci nan preguntanan na Prome Minister Evelyn Wever-Croes.

E periodista invita e siman aki pa splica e muchanan mas tocante e trabou di

periodismo y prepara nan pa nan encuentro cu Prome Minister den e Conferencia di Prensa Hubenil tawata señor Patrick Everon. Patrick ta un hoben di 30 aña di edad y a studia Media & Entretenimento. El a sigui su estudio na unda el a siña e detayenan di diferente sector di media, manera print (corant y revista), industria di musica, radio, social media y television. Actualmente Patrick ta trahando na nos planta nacional Telearuba, como editor y periodista. Patrick ta bisa cu e trabou di periodista semper ta trece cosnan nobo pa un persona. Un periodista por educa un otro persona masha hopi mes riba diferente sorto di topico



pa yuda e comunidad cu informacionnan importante, y na e manera aki trece dilanti un storia cu por ta valido. Patrick su consejo pa nos muchanan ta pa semper sigui nan soño pa loke nan kier bira den futuro.

Sandra Croes, presentadora den Conferencia di Prensa di Gobierno di Aruba, cu hopi entusiasmo pa ricibi nos muchanan alegre, despues cu hopi dedicacion a conta un tiki di su trabou den Conferencia di Prensa di Gobierno di Aruba. El a encurasha e muchanan pa nunca tin miedo di para dilanti di un publico pa haci e trabou cu nan gusta haci y tambe a duna tips con pa deal cu miedo ora ta dilanti di camara.

E muchanan tawata hopi contento pa encontra cu Prome Minister den sala di Consejo di Minister y a haya splicacion con

Gobierno ta traha y di e desicionnan importante pa Aruba cu ta sali for di e reunionnan di Consejo di Minister.

Despues a sigui e Conferencia di Prensa Live cu a wordo pasa na TeleAruba y riba pagina di Facebook di Gabinete Wever Croes 2. E muchanan cu gran deseo pa conoce mas di e bida, estudio, trabou y hobby di Minister President, a haci preguntanan hopi al caso pero tambe algun a haci preguntanan tocante maneho di Gobierno, medio ambiente, salud, educacion, bullying, y un pregunta cu sigur a resalta tawata si tawata dificil pa Prome Minister atende cu Covid. Prome Minister den tur tranquilidad y contento a contesta cada pregunta di e 6 'Periodistanan pa un Dia' di e siman aki.

"Mi ta contento cu un otro atardi ameno cu nos 'Periodistanan pa un Dia'

na unda nos muchanan a siña hopi di loke ta e trabou valioso di ta un periodista. Como un pais cu ta respeta su mes, ta hopi importante pa nos tin periodistanan cu ta trece semper e berdad pa e pueblo. Pa Gobierno di Aruba ta importante pa nos muchanan scucha di mandatarionan tur loke Gobierno ta haciendo pa nan bienestar y futuro. Pasobra na final di dia, e desicionnan cu nos tuma awe ta na nan bienestar y ta nos muchanan mester bay carga den futuro".

Den number di Gobieno di Aruba, Prome Minister ta gradici tur esnan cu a haci 'Periodista pa un Dia' posibel y un exito un biaha mas. Danki tambe na señor Patrick Everon pa su tempo pa splica nos muchanan mas di e trabou pa informa pueblo. Danki na e mayornan pa permiti nan yiunan participa y danki special na nos muchanan cu a participa.

WEGANAN ESCOLAR 2023 TABATA UN EXITO ROTUNDO

Masha pabien na e scol- y alumnonan pa participa y engrandece Weganan Escolar



: Diabierna ultimo, na Joe Laveist Sport Park a tuma luga clausura di Weganan Escolar 2023. Aruba por mira atras na dos siman di deporte escolar sumamente exitoso. Weganan Escolar ta un proyecto presenta pa Ministerio di Enseñansa y Deporte, IBISA y Gabinete Wever – Croes II. Presente na ceremonia di clausura tabata Minister di Enseñansa y Deporte Endy Croes acompaña pa su kerida esposa, Vice Presidente di Parlamento sr. Raymond Kamperveen, Parlamentario Alvin Molina, representante di diferente fundacion- y federacionnan como tambe representante di directivanan di scol, cabesantenan di scol y demas invitadonan special. E atardi ta inicia cu e final di futbol di scol preparatorio den categoria mucha homber, unda cu Mon Plaisir Kleuterschool a titula campeon di Weganan Escolar 2023. Despues a sigui cu e partido final di futbol den categoria di mucha muhe, unda cu Arco Iris Kleuterschool a logra e titulo maximo di campeon. Despues di e partidonan sumamente interesante e ceremonia

di clausura a inicia cu himno nacional di Aruba a interpreta pa Rocco Franken, despues a sigui discurso di Minister di Enseñansa y Deporte Sr. Endy Croes. NTG & NLG bou guia di Marisol Peña a presenta un bunita show di clausura. Tambe a entrega premio na e scolnan ganado y e hungado di mas valioso. Entretenimento tabata den man di dj Spike y Groove Masters cu nan tremendo musica y a pone un ambiente total na San Nicolas. Mascota Wiwi tabata presente y a saca potret cu e muchanan. Tambe pa e muchanan tabatin entretenimento di dino jump, cu cantidad di tent di e.o. cuminda, bebida, popcorn y cotton candy. Durante e anochi tabatin diferente premio atractivo di, entre otro, The Healthy Way Aruba.

Dos siman di competencia escolar cu a inicia dia 26 di mei y a culmina dia 10 di juni. Un total di 45 scol y alrededor di 1000 alumno di scol preparatorio, basico y secundario di Aruba a enfrenta otro den un competencia amistoso den shete (7) diferente disciplina, entre otro, badminton, functional fitness, volleyball,

basketball, futbol, beach tennis y baile deportivo. Meta di Weganan Escolar Aruba ta pa promove deporte bou di e alumnonan di scol preparatorio, basico y secundario. Minister Endy Croes semper a enfatisa cu deporte ta e vehiculo pa preveni cu e muchanan ta bay riba caya. Hunto nos ta logra un comunidad mas saludabel y activo y nos ta desea tur mucha y hoben cu ta participa den Weganan Escolar 2023 hopi exito. Sigur tabata bunita pa presencia e alegria y entusiasmo di e hobennan pa competi cu otro cu e speranza pa fortifica laso di amistad y hermandad.

Concluyendo, Minister Endy Croes ta gradici IBISA, Ministerio di Enseñansa y Deporte, FFD, FLPD, SSA y Gabinete Wever – Croes II cu a inverti y haci Weganan Escolar 2023 posibel. Tambe, mandatario di Enseñansa y Deporte ta gradici directivanan di scol, cabesante y docentenan di gym pa sostene e proyecto. Danki na e mayornan cu ta apoya y sostene nan yiu den nan deporte favorito. Deporte ta trece union!

Parlamentario, ing. Mike de Meza:

Gobierno no por dicidi sin tene cuenta cu pueblo



Na su salida for di e reunion cu comision financiero-economico di Parlamento a sostene diabierna mainta, e miembro di fraccion di Partido di Pueblo Arubano (AVP), ing. Mike de Meza, a expresa su preocupacion pa e ultimo desaroyonan y a muestra con Gabinete Wever-Croes no ta hibando un maneho caminda ta tene cuenta cu e pueblo.

De Meza a comparti, cu manera lider di e partido, mr. Mike Eman

a anuncia e dia prome, a bin cu un punto di ordo pa insisti cu e reunion mester tabata uno publico ya pueblo tambe por scucha kico ta e puntonan di e gremio comercial, pero tambe di esun sindical. Como reaccion na esaki, presidente di e comision financiero-economico, Raymond Kamperveen di RAIZ, a priminti cu e tambe ta sostene e pensamiento ey lo pusha pa un reunion publico proximo siman. “Esey tabata sumamente importante pa nos,” de Meza a expresa, pasobra ta un discusion amplio y compleho y pueblo tambe mester sa kico ta bay tuma luga.

De Meza: “Aki ta discutiendo un ley cu Raad van Advies a duna conseho negativo pasobra tin hopi buraco den dje y tin hopi problema cu e ley aki. Asina mes, gobierno ta insisti pa introduci e ley. E efecto negativo pa cu comercio y pa costo di bida lo ta hopi grandi.” Gremio ta premira un aumento

di costo di bida cu sigur no ta bon mirando cu ya caba inflacion ta sumamente halto. E diferencia entre loke un famia di cuater mester pa biba y cuanto tin na entrada averahe, ta un casi 2 mil florin. Inflacion riba cuminda den e ultimo 12 pa 24 luna, ta un promedio di 11%. Aumento di prijs di awa y coriente di 30%, ta duna un inflacion di 17% den e sector aki. “Esaki ta sumamente halto,” segun e parlamentario.

Pa loke tabata e reunion mes, e parlamentario a bisa cu tabata un discusion interesante. E preocupacion cu fraccion di AVP a bin ta trece dilanti, un biaha mas a keda refleha y ta comparti pa e gremio comercial. Den pasado, fraccion di AVP a sugeri pa soluciona esey cu un presupuesto alternativo cu cual lo mester aumenta e reparatietoeslag y introduci incentivo pa contraresta e aumento di costo di bida, vooral pa esunnan cu tin un entrada abou.

Tambe por a skucha di e echo cu gremio cada bes ta pidi pa sinta na mesa cu minister, pero no ta haya oido. Den gobernacion di AVP a bin cu “dialogo social” caminda ora di un cambio grandi den comercio, sector laboral, economico y/of bida social na Aruba, tabata reuni di manera structural cu gremio sindical, comercial y ora cu tabata necesario, social pa discuti ahuste den ley.


“Tabata tuma nan experticio y preocupacion na cuenta y traha hunto un ley cu un draagvlak grandi haciendo e cambionan necesario. Reforma di fondo di AZV, SVB, APFA tabata problema grandi cu a soluciona den dialogo participativo. Asina tabatin mas reto cu a hereda ora cu a sinta na 2009 y nos a sa di sinta cu tur hende. Awe na 2023 bo no por kere cu bo por goberna y dicidi sin tene cuenta cu preocupacion di pueblo,” asina Parlamentario de Meza a conclui.

HOMBER CORTA DOOR DI UN MUHE

Hooiberg - Diadomingo mey anochi polis y ambulance a bay un adres na Hooiberg, unda cu un hende homber lo a wordo herida.

Lo tawata trata aparentemente di un problema entre un homber cu un muhe, y dado momento e muhe lo a corta/hinca e homber.

Ambulance a presenta pa atende cu e homber, mientras e agresor a



wordo deteni y transporta pa warda di Sta Cruz.

**PROBLEMA SERIO ENTRE BISIÑA:
Un persona a ricibi bloki den cabes y polis
a wordo ataca door di e agresor**



Pos Chikito - Diasabra
anochi varios unidad
policial a bay un adres na
Pos Chikito, unda cu un
problema di bisiña a bay
completamente for di man
unda un homber a ricibi
un bloki den cabes.
Tawata diasabra ano-

chi, cu polisanan mester a atende cu caso di problema di bisiña, unda un di nan a wordo gedal cu un bloki y esaki a core bay busca ayudo. Segun nos a compronde lo por ta trata di un golpi serio na su cabes.

Polis na yegada a topa cu un homber agresivo, e lo ta esun cu a dal e otro cu e bloki. Momento cu polis a bay pa atende cu ne, e lo a pasa man of tawata tin un shobel y a menasa di usa esaki contra e agentenan.

Mester a busca un manera pa drenta esaki, pero asina mes e la logra destrui bentana di e transportwagen.

Ambulance, slachtofferhulp y tambe departament tecnico di polis a wordo pidi na e adres.

Na final, pa tur e agresivo cu e tawata e la wordo deteni y transporta pa warda.

Kiko ta raiz di e problema no tawata duidelijk e momento eynan.

Accidente na ParADERA entre brommer cu auto



Paradera - Diasabra algo prome cu 7'or a sosode un accidente di trafico na altura di Citgo Paradera.















Ta asina cu un señora na stuur di un Nissan Tiida a subi caminda y ta mostra cu e lo no a duna un Yamaha Dirt Bike, causando cu e brommer a bay dal parti dilanti di e Tiida.

Debi na e impacto e motociclista a resulta herida door di e caida.

Polis cu a yega na e sitio a pidi pa un ambulance presenta y atende cu e motociclista cu tawata herida. Na yegada e Paramediconan a bay duna asistencia na e motociclista.

Trafico a tranca un poco
door di e accidente, unda
cu e Nissan Tiida a keda
para memey di caminda.

Polis a tuma dato y despues por a habri caminda bek.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 11 Juni 2023 Merdia	
 Sorteo # 3938 1640 8369 0408  FP  Sorteo # 3938 3430  Sorteo # 1994 4279  Sorteo # 3938 0311 Cancer  Sorteo # 812 204  FP		 Sorteo # 0 x Jackpot 0 x Match 4+ 0 x match 4 0 x Afl 12.00	Joker Letter Proximo Jackpot 190.000,-
		 Sorteo # 6144 0 x Jackpot 1 x Match 4 106 x Afl 8.00	03-10-11-13-29 Proximo Jackpot 51.000,-
		 Sorteo # 0 x Jackpot 0 x match 4 0 x Afl 500.00 0 x Afl 50.00 0 x Afl 15.00	Mega Ball: Proximo Jackpot 290.000,-
			Afl. 390.000,-
		 Sorteo #	



SOLO

SUDOKU MANIA

Campeonato Nacional Landamento Artistica 2023



Manera custumber na final di temporada Landamento Artistica tin su Campeonato Nacional. E idea ta cu tur miembro di club ta participa di esun mas chiquito te esun mas grandi. A tene e competencia aki over un duracion di 2 dia cu 3 session. mester bisa cu un publico grandi a presenta pa disfruta di e varios rutinanan. Un danki grandi na tur e hues y voluntarionan cu sin nan lo no ta posibel pa organisa un evento asina grandi. E seleccion cu ta preparando pa biaha pa El Salvador aki dos siman tambe a presenta

nan rutinanan y mester bisa cu pa prome biaha Aruba lo bai competi cu un ACRO TEAM. Esaki ta un evento nobo, na unda e atletanan mester hasi acrobacia. E ta un rutina hopi spectaculair y cu hopi riesgo. Durante e luna di April nos atletanan tawatin un Campamento cu un coach international, sr. Victor Cana cu ta un atleta olimpico di Artistic Gymnastic y actualmente e ta e Gymnastic coach e team di Landamento Artistica na USA. Despues di esaki nos atletanan a sigi training cu e Artistic Gymnastic



coach di Aruba mes, sr. Jimmy Palma. E training aki ta un parti integral awendia den e deporte di Landamento Artistica. Alabes kier informa cu lo bai tin summercamps durante e temporada di vakanti grandi na unda tur mucha homber y mucha muher por participa. E unico rekisito ta cu e mucha

mester por landa den awa hundo.
E resultadonan ta como lo siguiente:
Beginners: 1. Tahnee Felicina, 2. Aliyah Croes, 3. Ella Gomes, 4. Amaya Verdugo, 5. Khloë Guanipa.
Novice: 1. Joslyn Velasquez, 2. Ninziah Alexander, 3. Isabela Vasco, 4. Camila Pinillos, 5. Luisa Pinillos.

Intermediate: 1. Kaylie Eman, 2. Zoë Olmtak.
12 & under: 1. Khloë Rafini, 2. Nalini Lopez-Henriquez, 3. Sydelle Lopez-Henriquez, 4. Vitali Inocencia, 5. Katherine Merruweather, 6. Zaria Wester, 7. Victoria Henriquez.
Youth Agegroup: 1. Xia Rodriguez, 2. Xiana Hoo, 3. Daniela Muñoz, 4. Kendra Simon

E LA BAHA CORE BAY:

Ladron a horta Mitsubishi Lancer y ta kibra esaki ariba Watty Vos Boulevard



WVB/Tanki Leendert - Diasabra merdia polis a bay pura pabou di e rotonde nobo di Tanki Leendert o sea Watty Vos Boulevard direccion Ponton. Eynan un Mitsubishi Lancer mester a accidenta. A resulta cu e vehiculo aki lo a wordo horta, for di un supermercado situa den Driemasterstraat.

Segun informacion, apar-

entamente un señora lo a baha na Tololo Supermarket y di eynan un homber probablemente ariba un bicicleta a yega y pasa man pa e Mitsubishi Lancer.

No ta conoci si e yabi a keda den e vehiculo cu por a facilita e ladron di auto e trabou.

Mesora cu e acto aki a tuma luga a bati alarma.

Durante cu e ladron tawata bezig ta huy cu e vehiculo e la dal un Volkswagen color preto. Chauffeur di e Volkswagen a sigui su tras, pero segun e mes a conta nos cu cautela paso no sa si e persona por tin un arma ariba dje.

Testigonan/Chauffeur di e Volkswagen

Na e sitio unda e auto a boks, un testigo a conta con e ta bayendo direccion Ponton y ta mira con e Mitsubishi Lancer horta a bula di e otro banda y bin den direccion contrario.

Chauffeur di e Volkswagen cu tawata tras di e auto cu a dal e a bay bira, y segun e la conta e ta wak con un homber hoben "bon bisti" a baha core bay direccion nort y desaparece.

Pues e ladron di auto a



maniobra of a haci esaki pa malo, momento cu e tawata bayendo rotonde nobo di Tanki Leendert ta hala na su man robes y subi e berm(separacio di caminda).

Aki e ta ranca un palo di luz completamente bay cay otro banda halando na su man robes contra e trafico contrario pa despues baha laga e auto cendi y core bay.

Polisnan cu a yega algun minuut despues ta haya un Mitsubishi Lancer cu

e motor cendi y completamente destrui y banda di e dje e Volkswagen color preto cu sla na banda drechi.

Polis di trafico mester a presenta pa atende cu e caso mientras un otro patrulla a bay e supermarket den Driemasterstraat pa haya mas informacion.

Joyriding Team tambe a wordo poni na altura, investigacion mester bay saca afo ken e ladron ta y unda pa hay'e.

Velocidad halto posibel causa: Hyundai Getz a bolter na Gasparito



Gasparito - Diasabra den oranan di mainta alrededor di 11'or un Hyundai

Getz a bolter altura di Gasparito. Polis cu a yega na e sitio a

constata cu no tin mester di Ambulance, pues niun hende a resulta herida.

Dos auto tawata envolvi, un Ford SUV y e Hyundai Getz cu ta esun cu a bay bolter.

Locual nos por a compronde na e sitio, e auto Ford tawata bayendo direccion nort momento cu e la hay'e confronta cu e Getz biniendo zuid.

Aki ta unda e Getz lo a medio dal e pa despues perde control y bay bolter.



E dama chauffeur na stuur di e Ford tawata hopi spanta y mester a dun'e poco awa cu sucu.

Polis di trafico a presenta pa atende cu e caso.

Scooter a bay dal contra cura di cas na Paradera



Paradera - Diasabra den oranan di atardi polis y ambulance a wordo avisa di un accidente di scooter, esaki lo a sosode na Paradera direccion Roncador.

Na yegada di polisnan berdad nan bin topa cu algun persona, rond di e manehado di e scooter.

Pa un of otro motibo, e



manehado a perde contro y bay dal contra un cura di cas.

E parti "bon" di e accidente tawata cu e cura di e cas

no ta di bloki, pero mas bien di algun palet di palo y palet di plastic.

Paramediconan na yegada despues di a papia cu e

manehador a saca e brandcard y despues a sali direccion Hospitaal.

Polis na e sitio a tuma dato.

Un biaha mas; dos persona herida den accidente na crusada di Sero Pita



Sero Pita - Diabierna atardi rond di 4:30 e crusada conoci na Sero Pita ta bolbe ta den luz negativo, unda cu un otro accidente pa falta di preferencia a sosode.

Un accidente hopi fuerte a sosode diabierna atardi, momento cu habitantenan a scucha un zonido duro cu a resulta di tawata un accidente entre dos auto.

Mesora habitantenan a bati alarma na 911.

Ambulance tawata prome na e sitio, y ta constata cu tin dos persona levemente herida. Mirando e impacto, si tawata tin hende sinta unda e pickup dal por a resulta seriamente herida.

Locual nos por a mira un biaha mas, mescos e otro accidentenan ta cu e Hyundai H1 a subi e crusada, net momento cu e pickup Nissan tawata yegando. Por mira cu e pickup a dal net memey di e Van mande bay pega den mondi.



Debi na e impacto fuerte, diesel di e Van a cuminsa basha y mester a pidi presencia di Brandweer pa trata cu ne.

Un segundo ambulance a presenta, pa transporta un herido di e Van y un herido di e pickup.

Polis di trafico tambe

mester a presenta ta haci su investigacion.

Mescos den e casonan anterior nos ta sigui bisa, mester haci algo cu crusada, sea pone borchinan mas duidelijk of manera ta haciendo na e otro areanan unda hopi accidente ta sosode, construi un rotonde.

“ Dos musico, cu a deleita e grandinan di Cas di Mi Chepa y Centro Kibrahacha.”

On Tuesday June the 6th 2023. Mr Reynaldo Maduro and former local teacher Mario van der Biezen delighted the elders at the Centro Kibrahacha with a wonderful performance. Reynaldo Maduro is currently on vacation on the Island. He was born in the Maduro-Kelly family of Cas Paloma. He resides and has lived most of his life in the Netherlands with his wife and 4 daughters. Through time he has mastered the art of playing guitar.

Reynaldo Maduro's late father known as Pancho was also a singer and guitar player.

Mario a former teacher enjoying his pension. Born and raised in playa in a large family who also enjoys playing music and dancing. Mario is a known former dancer for the masiduri dance group. He is a master at playing tambu.

After a casual Sunday lunch with family they joined forces and de-

lighted the elders at Centro Kibrahacha and Cas di Mi Chepa on Friday June the 9th 2023. Doing this gives them both great pleasure seeing that music is a passion and brings them peace and enjoyment seeing the elders singing along and making their requests.

Reynaldo will be leaving again soon to go back to the Netherlands. As his vacation is coming to an end. He surely will be back in Aruba for more family quality time and relaxing.

If you are interested in a collaboration or would like to have an afternoon of pleasant singing of native songs or other fun music feel free to contact them for your gathering.

Mario and Reynaldo did these performances as volunteers. Their performance is their way of keeping the Aruban culture alive and honoring the elders with memories of childhood songs.



Dos hoben ladron di auto deteni na Madiki



Madiki - Diasabra pasa di 4'or di atardi polisnan a sali busca un auto cu a wordo horta y esaki lo a wordo mira den Madiki.

Aparentemente cu e mesun auto aki lo tawata envolvi den un boksmento den oranan di merdia ma

Pos Abou.

Ta trata di un Mazda Atenza.

Fuera di esey, e dos personan den e auto tawata core cu e auto horta haciendo maniobranan peligroso, treciendo no solamente nan bida pero di otro otro hende inocente den peligro.

Na momento cu polisnan a topa cu e auto e dos hobennan den dje a baha core bay, pero nan libertad no a dura mucho.

Altura di e speeltuinen na Paradijswijk polis a logra intercepta nan y alabes



detenan. Transportwagen a hibanan warda di Santa Cruz.

Takelwagen a wordo pidi pa bay cu e Mazda cu a keda atras den un caya na Madiki Kavel.

Actividadnan publico cu studiantenan arkeologia di Universidad Leiden na MANA



Durante luna di juni, 4 estudiante di Universidad Leiden ta hasi nan stage pa 3 siman, bou supervision y guia di candidato doctorado/ PhD arkeologia, Harold Kelly. E practica ta den cuadro di sr. Kelly su investigacion tocante Cambio di Clima y rastronan arkeologico y ta parti di e proyecto internacional y multi-disiplinario 'Islanders at the Helm'/ Isleñonan na Timon. Tur cuater ta enfoca riba e region di Caribe y ta pa prome biaha cu nan ta core stage haciendo excavacion den e region aki.

Ta participa e estudiante Arubiano Naomi Wever y e studiantenan Hulandes Zoë van der Biezen, Emma Krijger y Kai Tjong-Ayong.

Ta trata di un 'fieldschool'/ scol di campo cu ta un orientacion practico como parti di e estudio arkeologico, bou guia di un coach/mentor. E prome dos siman nan ta experiencia entre otro con pa habri diferente buraco, coba, sefta, traha rapport di dia y documenta sitio. E ultimo siman nan lo procesa e materialnan arkeologico haya.

Durante nan estadia na Aruba, MANA ta brinda publico oportunidad pa intercambia informacion/ pensamiento cu e studiantenan y

participa activamente of observa nan trabou. Por observa e trabou di limpieza y labamento di e material Arkeologico, loke ta rekeri traha sistematico y cu cuidao. Publico limita por yuda laba e material bou supervision di arkeologo Harold Kelly y e studiantenan. E evento aki ta tuma lugar diasabra 24 di juni awor entre 8 'or y mei y 11'or y mei mainta na MANA. Ta regula admision di interesadonan pa e evento aki.

E diabierna prome, 23 di juni entre 5'or di atardi pa 7'or di anochi na MANA, e 4 studiantenan lo papia riba nan bida, diferente aspecto di nan estudio, studiamento na Hulanda y nan experiencia na Aruba.

Harold Kelly lo presenta su trayectoria, experiencia como hoben, estudiante y awor como profesional. Lo brinda posibilidad tambe pa papia directo of den grupo chikito informal cu e studiantenan y Harold Kelly. Di e forma aki hoben- y mayornan por haya un otro bista kiko ta nifica prepara y bay studia pafor di Aruba.

E ta un oportunidad unico pa di otro manera nos hobennan por enfrenta futuro mihor prepara.



Museo Arqueologico Nacional Aruba (MANA) cordialmente ta invita publico general, mayornan

y specialmente hobennan pa presencia e eventonan riba 23 of 24 di juni awor. Entrada ta liber!

